

Brita Kaisa Halonen (1859-1952)

Biigá – Eamit – Sávdnjedoalli*

Gitta 1930-lohkui ledje oktasaš suovassávnjit oalle dábálaččat Čáhcesullos. Dat ledje stuora lanjat man siste liggejedje geađgelánaid ja dain ii lean suovvabohcci. Ovdal go sávnjodedje de jáddadedje hilaid vai lanjas ii suovastan. Brita Kaisa Halonen áimmahušai mánggaid jagiid ovttá Čáhcesullo oktasaš sávnjodanbáikki.



Goappašat govat gávdnojit Čáhcesullo Museas – Ruija kvenamuseas.



Mánnávuolta ja náitaleapmi

Brita Kaisa Andreasdatter Mäntyjärvi riegáđii jagi 1859 Roavvenjárggas, Suomas. Váhnemat ledje boanda Andreas Mäntyjärvi ja eamit Stina Marie. 1870-logus bargagođii Brita Kaisa kvena gávpealbmá Johan Petter Halonena dálus Olggut Kvenagávpoatoasis, Čáhcesullos.

Gitta suoidnemánu 11.b.1880 ráđjai biigui Brita Kaisa Andreasdatter Halonena dán dálus. Dan beaivvi náitalii son iežas bargoaddiin ja šattai dálueamit. Jagi ovdal lei Halonena ovddit eamit Brita Marie Henriksdatter jápmán.

Náittosdilli Brita Kaisa ja Johan Petter gaska bisttii 19 jagi. Bealljedávda ja varramirkko dagahii ahte Johan Petter jámii jagi 1899. Brita Kaisa de bázii okto hálddašit dálu Olggut Kvenagávpoatoasis. Su gohčodedje eamidin, dahje ieš hoavdan. Son dinii guollegávppi, eanadoalu ja sávdnjedoalu bokte.

Halonen-sávdnji

Halonen-sávdnji lei sierra visttis mas ledje guokte dási, ja dáppe sáhtii maiddái láigohit lanjaid. Brita Kaisa Halonena fuolahii sávdnjái lieggasa, sávdnjesuohpaliid ja doalai dan čorgadin mávssu ovddas. Oassi su barggus lei maid bassat olbmuid čilggiid.

Olusat muitet dán sávnji, mii jođihuvvui gitta 1950-lohkui.

“Áhčči muitalii Halonena sávnji birra. Halonena doaimmahii guokte sávnji. Okta dábálaš olbmuid ja okta fas fiidnát olbmuid. Fiinna sávnjis ledje guottát man alde sáhtii čohkkát, ja dan nuppis ledje dušše dábálaš beaŋkkat”.

1970-logus bulii oassi dán dálus, maiddái sávdnjevisti.

*Eamit mearkkaša dálu oaivámuš, dálueaggát dahje ovddasvástideaddji.